

EDISAUN DARUAK

Abril-Juñu 2018

Konteúdu

1. Fundus Komunitariu apresenta ba funsiunariu tékniku munisípiu
2. Lansamentu projetu bee-moos no Irigasaun iha Aileu
3. Sorumutu Nasionál kona-ba Stratéjia Bamboo halao ona
4. Padraun Bacias Hidrográficas ba iha Ministério Agricultura e Pesca

Projeitu Koridor Dezenvolvimentu Estrada Dili-Ainaro ho objetivu atu hametin rezilénsia komidade ne'ebé hela iha Koridor Dezenvolvimentu Estrada Dili-Ainaro ba iha dizastre kauza husi mudansa klimátika hanesan bee-sae, erosaun, ahi-han rai, anin-boot no rai-monu hodi reduz risku ne'ebé estragus infraestrutura Estrada no komidade nia moris.



Foto: Marino Mouzinho/UNDP

Fundus Komunitariu apresenta ba funsiunariu tékniku munisípiu



Foto: Marino Mouzinho/UNDP

Iha dia 4 de Maiu de 2018, Ministério Administração Estatal liuhusi Director Geral Decentralizasaun Administrativa hamutuk ho UNPD Timor-Leste apresenta projetu fundus komunitaria ba funsiunariu tékniku husi munisípiu Aileu, Ainaro, Manufahi no Ermera.

Objetivu husi fundus komunitaria nemak atu hadia'k estabilidade rezilénsia klimátika liuhusi dezenvolve atividades atu apoiu adaptausaun alterasaun klimátika no promove partisipasaun feto iha implementasaun. Director Geral Decentralizasaun Administrativa, Sr. Abilio José Caetano hatete: "Kualidade projetu primeira faze husi fundus komplementar tenki sai referensia diak ba ita atu hadia'k liutan implementasaun fundus komunitaria ne'e bazeia ba dezenia ne'ebé iha."

Fundus komunitaria hirak ne'esei implementa iha Suco alvu 24 iha korredor Estrada Dili ba Ainaro, ne'ebé sesiona liuhusi avaliausaun kapasidade komidade vulnerabilidade (CVCA) ne'ebé identifika suco sira ne'ebé risku ba dezastre kauza husi alterasaun klimátika. "Ami sei extende iniativu ida ne'e ba fatin seluk tuir implementasaun ne'ebé ita realiza

ona ho susesu iha faze daruak husi projetu ne'e", dehan Sr. Shyam K. Paudel, Chefe Asesor Técnico Projeto UNDP-DARDC.

Projetu hat nulu (40) sei implementa husi grupu komidade liu husi fundus komunitaria ne'e iha munisípiu hat hanesan Aileu, Ainaro, Manufahi no Ermera no sei foka liu ba iha bioenginarria, jestaun komplementar rai, reflorestasaun, agrofloresta, viveirus komunitaria atu hasa'e vejetasaun iha bacias hidrográficas (mota ki'ik) no reduz risku rai-monu kauza husi alterasaun klimátika.



Foto: Marino Mouzinho/UNDP

Lansamentu projetu bee-moos no Irigasaun iha Aileu



Iha 17 de Maiu de 2018, projetu konstrusaun irigasaun ida ne'ebé ho objetivu atu hadia'k nível produsaun agrikola no seguransa alimentar komunidade liuhusi fornese bee irigasaun ne'ebé sustentável lansa ona iha aldeia Sarin, Suco Fahiria, Munisípiu Aileu.

Sr. Alberto Aoupeus, Chefe Suco Fahiria hatete katak komunidade sira hein ona oportunidade ida ne'e iha tempu naruk hafoin proposta barak hatama ba iha instituisaun relevante sira maibé ohin loron projetu ne'e realiza ho apoiu husi UNDP. "Ami hato'o agrdaese ba governo no UNDP ba iniciativa atu halo konstrusaun ba projetu irigasaun ne'e. Ha'u husu ba grupo komunidade wainhira implementa tenki foka ba ninia kualidade duke hare ba ninia kuantidade," dehan Sr. Aoupeus.

Infraestrutura Irigasaun rezilénsia klimátika ida ne'e sei kobre natar, modo (hortikultura) no kolam ikan hektares 31 no sei fó benefisiu ba uma-kain 100 ne'ebé hela iha Suco tolu husi Suco Fahiria, Lauisi no Bandudato.

"Projetu ne'e sei implementa husi komunidade tambá iha esperiensa projetu uluk ne'ebé hatudu susesu bot wainhira projetu implementa direita husi komunidade sira," dehan Sra. Ana Maria de Carvalho, Kordenador Nasionál Projetu DARDC.

Administrador munisípiu Aileu, Sr. João Tilman do Rego hatete katak projetu ne'e presija haluan ba iha fatin seluk tambá benefisia ba komunidade. "Komunidade sira tenki implementa no fó satisfasaun ba



projetu ne'e tuir dezeña ne'ebé iha hodi apoiu ba iha ninia ekspansaan," dehan Sr. do Rego.

Projetu bee-moos seluk mós lansa iha dia 5 de Juñu de 2018 iha Suco Liquitura iha Munisípiu Aileu. Projetu ida ne'e inklui ho konstrusaun 5.88m³ rehabilitasaun tanki no distribusaun tanki 5.5m³ rua, no reservatorio ida no 600m kanál distribuisaun, no 1,5km pipa ne'ebé atu troka. Projetu ne'e espera bele benefisia uma-kain liu 800 hodi asesu ba bee-moos ho diak.

"Obrigado ba UNDP hodi apoiu fornese bee-moos baa mi nia komunidade," dehan Sra. Vitoria Mesquita do Rego, Secrétaria Munisípiu Aileu. "Ami espera oportunidade hanesan ne'e bele haluan ba Suco seluk iha Munisípiu Aileu."

"Bee-moos ida ne'e sei utiliza husi estudante sira, kapela igreja no komunidade iha area Lequitura no area sira ne'ebé besik. Ami kontenti tebes ho bee-moos ne'e," dehan Sr. Domingos Soares Tomas, membru komunidade ida.

Projetu rua ne'e implementa hanesan segunda faze husi projetu Fundus Komplementar ne'ebé apoiu husi UNDP Timor-Leste liu hosi Ministério Administração Estatal no implementa direita hosi komunidade rasik.



Sorumutu Nasionál kona-ba Stratéjia Nasionál ba Bamboo halao ona



Foto: Marino Mouzinho/UNDP

Iha loron 19 de Juñu de 2018, Ministério Agricultura e Pescas (MAP), Instituto Bamboo Timor-Leste hamutuk ho UNDP Timor-Leste halao sorumutu loron sorin kona-ba “Stratéjia Nasionál ba Dezenvolvimentu Bamboo (Au)” iha Novo Turismo, Lcidere Dili. Objetivu husi sorumutu loron sorin nemak atu fahe no deskuti perspektiva no oportunidade husi dezenvolve seitór bamboo no stratéjia nasionál seitór bamboo iha Timor-Leste.

Vise-Ministro Agricultura no Pescas, S.E. Deolindo da Silva hatete: “Durante ne’e, ita nia beiala sira utiliza bamboo ba iha nesesidade tradisionál hanesan hari’i uma, didin, lutu, kadoras bee no seluseluk tan maibé ho dezenvolvimentu evolusaun bamboo bele fó rendimentu bot ba vida moris no fó receitas ba estadu.”

Timor-Leste rekursu kualidade bamboo ne’ebé aas. Espesie lokál *Dendrocalamus asper* (au-betun) and *Bambako lako* (au-metan, Timor Black) ne’e bamboo ho kualidade aas ne’ebé utiliza ba konstrusaun no indústria. Maibé, iha nasaun ne’e iha ema balun deit mak aproveita potencia husi bamboo ne’e. Kuaze bamboo uza atu hari’i uma temporaria tradisionál sira. Balun utiliza ba mobiliariu no balun utiliza ba produsaun artezenatu ne’ebé limita deit ba merkado doméstika.

“Bamboo (Au) hanesan ai-horis ida ne’ebé fasil atu moris iha kondisaun saida deit. Timor-Leste iha bamboo ho kualidade diak no tambá ne’e presija atu dezenvolve hodi kontribui ba kresimentu ekonómia tambá



Foto: Marino Mouzinho/UNDP



Foto: Marino Mouzinho/UNDP

bamboo ne’e indústria global,” dehan Sr. Roy Trivedy, UN Resident Coordinator and UNDP Resident Representative.

Iha Timor-Leste, bamboo bele uza ba bio-enjeñaria, bio-kombustivel no indústria ki’ik sira ne’ebé bele fó rendimentu alternativa ba meius subsisténsia ne’ ebé iha comunidade rural sira. Bambu bele mós uza hanesan to’os ida-ne’ebé importante atu hari’i reziliénsia comunidade no proteje comunidade kona-ba infraestrutura husi dezastre iha Korredór Estrada Dili ba Ainaro.

“Durante ne’e, ajensia internasionál barak mak sosa produdu mobiliariu. Iha Instituisaun governo balun mak sosa maibé laos barak,” dehan Sr. Sabino Rua, Director Instituto Bamboo Timor-Leste.

Sorumutu ida ne’e fasilta husi Dr. Yiping Lou, Professor, Zhejiang A&F University. Ema nain 40 husi diferente instituisaun mak partisipa inklui Vise-Ministru Agrikultura no Pescas, S.E. Deolindo da Silva, UN Resident Coordinator and UNDP Country Representative, Mr. Roy Trivedy, Director Geral husi MSS, Director Geral Comércio Indústria, director Geral Floresta, Kafé no Plantas Industriais, Director Nacional liña ministeriais, Administrador munisípio Aileu no Ainaro, Director Agricultura no pescas munisípio 12, Instituto bamboo Timor-Leste no ONGs ne’ebé fó opiniaun no sujestaun atu dezenvolve Stratéjia Nasionál Bamboo Timor-Leste. Esbosu stratéjia nasionál ida sei submete ba Governo iha fim de Jullu de 2018.



Foto: Marino Mouzinho/UNDP


Padraun Bacias Hidrográficas ba iha Ministério Agricultura e Pescas

Iha esforsu ba hametin rezilénsia husi comunidade lokal wainhira halao mitigasaun hasoru perigu ambiental ba iha infraestrutura Estrada. Avaliasaun ida husi bacias hidrográficas halao ona tuir ho dezvoltamentu komprehensivu bacias hidrográficas no planu utilizaun rai ho ninia prosedimentu sira.

Iha bacias hidrográficas sia (9) iha korrédor Estrada Dili-Ainaro hanesan: Carau-ulun (22.140,9 ha), Comoro (1.0364,5 ha), Hera (1.690,1 ha), Laclo (35.969,2 ha), Lois (17.021,3 ha), Lulic (40.880,0 ha), Molo (4.453,8 ha), Raimea (1.672,9 ha), no Santana (769,9 ha) ne'ebé avalia atu defini ninia módelu ekosistema. Karakteristika biofizika no sosio-akónomia sira nian mós deskreve ho objetivu atu determina nível vulnerabilidade no sustentabilidade husi kada mikro bacias hidrográficas atu bele iha koñesimentu klean liutan kona-ba situasaun liuliu topográfia no distribuisaun spasiál, bacias hidrográficas bazeia ba GIS no fasilita módelu utilizaun rai.

Alvu treinamento halao ona ba pesoál xave MAP nian ho objetivu atu hasa'e abilidade iha implementasaun konservaun rai no bee ne'ebé poupa kustu liuhusi adopta Padraun Prosedimentu Operasionál (SOP) no modulu atividade ba agroflorestra, no planu sustentabilidade utilizaun rai. Hafoin treinamento no dezenvolve SOP no modulu, pesoál tékniku MAP aplika sira nia koñesimentu atu refloresta varius rai, halo inspeksaun no aktualiza varius tékniku konservaun rai hanesan trava kadalak no importante liu tau plot ba atividade xave atividade bacias hidrográficas kona-ba plataforma GIS ida ba planu lolos iha futuru.

Ho dezafiu biophysical no socio-ekonomikas kompleksu, koridor estrada ne'e susetivel ba iha degradasaun rai no ekosistema kauza husi klimatika. Nune'e mós, aproximasaun jestaun ne'ebé komprehensivu no forte presija atu jere atividade utilizaun rai ne'ebé seidak planu, seidak iha kordenasaun no la sustentavel. Padraun prosedimentu no matadalan operasaun ne'ebé dezenvolve sei suporta foti desizaun bazeia ba informasaun, kordenasaun aproximasaun konservaun rai no bee no selesiona método, ferramentu, kapasidade no rekursus ne'ebé apropriadu. Iha longu-prazu, tékniku jestaun ne'ebé apropriadu bazeia ba diversidade unidade kada jestaun rai no formulaun senáriu biofizika no sosio-kulturál sei adopta husi membrus comunidade relevante sira ho apoiu tékniku husi MAP.



Distribuisaun spasiál mapeamentu ne'ebé mak hatudu bacias hidrográficas no suco iha area koridor estrada.



Foto: Marino Mouzinho/UNDP

Projeto PNUD-DARDC 2018

Edefiçio : MSS-NDMD, Bemori, Dili, Timor-Leste

CTA/PM : Dr. Shyam K. Paudel
E-mail : shyam.paudel@PNUD.org
Telémovel : +670 7795 2899

Director DNGRD: Sr. Agostinho Cosme Belo
E-mail : agostinhocosme.belo@gmail.com
Telémovel : +670 7732 6917

